



Tusagassiorfinnut nalunaarut

Pressemeddelelse

3. december 2012
Sagsnr.: 2012-077754
Dok.nr.: 1080925

Silap pissusaanut tunngatillugu isumaqatiginninniarnert: Jens B. Frederiksen Qatar-imi isumaqatiginninniarnissamut piareerpoq

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

FN-ip silap pissusaa pillugu isumaqatigiissutaata (UNFCCC) ataani ukioq manna nunat tamalaat akunnerminni silap pissusaa pillugu isumaqatiginninniarnerat naalagaaffimmi uuliaqarluartumi gasseqarluartumilu Qatar-imi ingerlanneqartussaavoq. Ineqarnemut, Angallanermut Attaveqarnemullu Naalakkersuisoq Jens B. Frederiksen Danskil silap pissusaanut ministeriat Martin Lidegaard ingiaqatigalugu ullumi Qatar-imut aallassaaq, nunarsuarmioqatigiit nunarsuup kissakkiartornerata gradit marluk ataaniinnissaanik anguniagaqarnerannut peqataajartussalluni.

Nalunaarusiami, sapaatit akunneranni matumani Verdensbanken-imit saqqummiunneqartumi, siunissami qanittumi angusaqartoqarnissaata pingaaruteqarnera takussutissiorneqarpoq. Gassinik silaannarmik kissatsitsisartunik aniatitsineq killilersuutaasunik annertunerusumik ingerlaannassappat, 2100-mi nunarsuarmi kissassuseq agguaqatigiissillugu 4 gradinik qaffattussaavoq.

"Kalaallit Nunaata kissannera agguaqatigiissitsinermi tassannga annertunerungaatsiartussaavoq, aammalu sermersuatta imaanilu sikutta aakkiartorneranut sunniuteqarnerlorujussuartaussaalluni. Nunat tamalaat akornanni silap pissusaa pillugu isumaqatiginninniarnert Naalakkersuisunit pingaartinneqartorujussuupput, nunarsuup kissakkiartornerata sunniutai Kalaallit Nunaanni nunanilu issittuni allani ersarissunik takussutissaqareermata. Nunarsuarmi iliuuseqartoqanngippat uterfigisinnaanngisatsinnik ("point of no return"), tassalu ajoqusikkanik aaqqiissuteqarfigisinnaanngisatsinnik atugaqaleriaannaavugut", Jens B. Frederiksen oqarpoq.

COP18-ip Doha-mi ingerlanneqarnerani EU-p nunallu allat ikittut 2013-imiit 2020-mut gassinik silaannarmik kissakkiartortitsisartunik aniatitsinermik annikillitsinissamut nutaanik pisussaaffeqalernissaat naatsorsuutigineqarpoq. Kisiannili annertunerusunik suliaqartoqartariaqartoq tamarmik isumaqatigiissutigaaq, nunat taakku nunarsuarmi gassinik silaannarmik kissatsitsisartunik aniatitsisut ilaannannguarimmatigit. Taamaattumik 2015-imi nunarsuaq tamakkerlugu isumaqatigiissutissap, 2020-mi atuutilersinnaasup tungaanut siuariarnissaq Naalakkersuisup pingaartippaa.

Naalakkersuisup Danmarkimiit aamma Sverigemiit ministereqatini, Verdensnaturfonden-imit aallartitaq kiisalu Nunani Issittuni Isumasioqatigiinni ataavartumik

peqataatinneqartartut peqatigalugit decembarip ulluisa arfermanni nunat issittut ataatsimut saqqummersitsineranni, nunani issittuni silap pissusata allanngoriartorneranik, pisuussutsinik atuinermik aammalu nunat silap pissusaanut anguniagaannik aallussiffiusussami oqalugiassaaq.

COP 18 ataasinngormat 26.11-mi aallartinneqarpoq, isumaqatiginninniarnerrillu 7.12-ip tungaanut ingerlaqqissapput.

Naalakkersuisoq 3.12-imiit 7.12-imut Doha-mi sapaatit akunneranni isumaqatiginninniarfusumi kingullermi Naalagaaffeqatigiit aallartitaannut ilaalluni isumaqatiginninniarnernut peqataassaaq.

Nunanit 200-nit peqataasut 17.000-it isumaqatiginninniarnernut peqataanissaat naatsorsuutigineqarpoq.

Annertunerusumik paasisaqarusunnermi Ineqarnermut, Attaveqarnermut Angallanermullu Naalakkersuisoq Jens B. Frederiksen 58 76 06-imut attaveqarfigineqassaaq.